

Script Of Morning Gojri News Bulletin 30 June 2024 at 1015Hrs

مارننگ گو جری نیوز بلیٹن مورخہ 30 جون 2024

یوہ آکا شوانی جموں بے باغ علی طاہر تیں خبر سُنو۔

T20 World Cup

عالمی ٹرافی جتن غو بھارت غو 11 سالہ انتظار اُس ویلے ختم ہو گیو جد روہت شرما غی قیا دت مانہ بھارتی کرکٹ ٹیم نے کل مردان گا ضمہ مانہ آئی سی سی ٹی ٹوانٹی عالمی کپ فائنل مقابلہ مانہ جنوبی افریقہ مانہ برا دتو۔ گذشتہ رات کینگزٹن اوول کرکٹ سٹیڈیم مانہ کھیڈیا گیا اس فائنل مقابلہ مانہ بھارت نے جنوبی افریقہ مانہ 7 دوڑاں سنگ شکست دے دتی۔ ٹاس جیت غے پہلاں بلے بازی کرن غا بھارت غا فیصلہ غے بعد ویراٹ کوہلی غا 76 تے اکسر پٹیل غا 47 رنز غی بدولت بھارت نے 7 وکٹاں غا نقصان ور کل 1 سو 76 دوڑ بنائیں۔ 20 اوراں غا ٹی 20 عالمی کپ غا کسے فائنل مقابلہ مانہ ہن توڑی غو یوہ سب تیں بڑو سکور ہے۔ جنوبی افریقہ 8 وکٹاں غا نقصان ور چھڑا 169 رنز ہی بنا سکی۔ بھارت غی طرفوں ہارڈک پانڈیا نے 3 وکٹ لیں جد کہ جسپریت بھمرا تے ارشدیپ سنگھ نے 2/2 کھڈاریاں مانہ اوٹ کیو۔ قابل ذکر ہے جے بھارت غا ہن توڑی غا 2 عظیم کرکٹ کھڈاریاں ویراٹ کوہلی تے روہت شرما نے ٹی 20 عالمی کپ مانہ دوجی وری فتح حاصل کیا جان غے بعد ٹی 20 بین القوامی کرکٹ تیں ریٹائر منٹ غو اعلان کر دتو ہے۔ صدر جمہوریہ، نا ئب صدر جمہوریہ تے وزیر اعظم نے ٹی 20 عالمی کپ جتن ور بھارتی ٹیم مانہ مبارک دتی ہے۔

PM MKB

وزیر اعظم نریندر مو دی ملکی عوام سنگ اج سویرے 11 بجے من کی بات پروگرام مانہ اپنا خیالات سانجھا کریں گا۔ یوہ ماہوار ریڈیو پروگرام غو 1 سو 11 ووں شمارو وے گو۔ لگاتار تیجی وری وزارتِ عظمیٰ غو عہدو سمہالان غے بعد جناب مو دی غویوہ پہلو شمارو وے گو۔ یوہ پروگرام آکاشوانی تے دور درشن غا تمام نیٹ ورک ور دیکھیو تے سُنیو جا نیگو۔ اس پروگرام مانہ اے آئی آر غی نیوز ویب سائٹ تے نیوز آن ائر موبائل ایپ ور وی سُنیو جا سکے۔ من کی بات پروگرام غا اس شمارہ مانہ اے آئی آر نیوز، ڈی ڈی نیوز، پی ایم او تے اطلاعات و نشریات غی وزارت غا یو ٹیوب چینلاں ور وی براہ راست دیکھیو جا سکے گو۔ بندی نشریات غے فوراً بعد اس پروگرام مانہ علا قائی زبانان مانہ وی آکا شوانی ور نشر کیو جا ئے گو۔

Amarnath Yatra

امرنا تھیا تریاں غو تیجو قافلو اج سویرے جموں غا بھگوتی نگر بنیا دی کیمپ تیں وادی کشمیر در روانہ ہوو۔ 6 ہزار 6 سو 19 یا تریاں ور مشتمل یوہ قافلو مذہبی نعرا تے بھارت ماتا کی جے غا نعرا لاتاں وان امرناتھ گُفہ غا درشنان واسطے وادی غا اگلا سفر در روانہ ہو گیا۔ ٹی ٹوانٹی عالمی کپ غا فائنل مقابلہ مانہ بھارت غی جت غے بعد یا تریاں غا حوصلہ مانہ مزید اضافو ہو گیو ہے۔ تے وے نال نال چک دے انڈیا غا نعرا وی لاریا تھا۔ 3 سو 19 گڈیاں غا اس قافلہ مانہ 5 ہزار 1 سو 43 مرد، 1 ہزار 1 سو 41 کالسری، 18 بچہ، 76 سادھویں تے 2 سو 41 سادھو سفر کر رہیا ہیں۔ ان یا تریاں وچوں 2 ہزار 7 سو 81 یا تری بالتال غے رستے جد کہ 3 ہزار 8 سو 38 یا تری پہلگام غے رستے امرناتھ گُفہ غو سفر کریں گا۔ اسے

دوران 13 ہزار تیں متا یا تریاں نے کل امرناتھ گُفہ غا درشن کیا۔ کل امرناتھ گُفہ غا درشناں غو پہلو دن تھو تے سخت حفاظتی بندوبست غے دوران درشناں گو یوہ سلسلو شروع ہو گیو ہے۔

LG NCC

لیفٹنٹ گو رنر منوج سنہا نے کل جے اے کے ایل آئی ریجنمنٹل سینٹر رَنگریتھ غا خصوصی قومی یکجہتی کیمپ مانہہ این سی سی غا سننیر کیڈیٹس سنگ خطاب کیو۔ اپنا خطاب مانہہ لیفٹنٹ گو رنر نے این سی سی غی جموں کشمیر تے لداخ ڈائریکٹوریٹ غی تعریف کرتاں واں کہیو جے ڈائریکٹوریٹ نے نوجواناں نانہہ زندگی پھر غی دوستیاں تے سمجھ بوجھ غو موقعو میسر کرن غے نال نال مہارا امیر ثقافتی ورثہ با رے جانکا ری دتی ہے۔ جہیڑو مہا ری قومی یکجہتی، بکھ بکھ زبانان تے روایات غی خوبصورتی غو مظہر ہے۔ اُن گو کہنو تھو جے ایسا خصوصی یکجہتی کیمپ غا انعقاد سنگ اک بھارت سریشٹ بھارت نانہہ فروغ ملے تے اس غی وجہ نال مُلک غی 17 ڈائریکٹوریٹس تیں کیڈیٹس اکھٹا ویں۔ جت اُن نانہہ حُب الوطنی غی سانجھی اقدار یکجہتی تے بے لوٹ خدمات با رے جذبہ نانہہ فروغ دین غو موقعو مل سکے۔

Chief Secretary JKRTC

چیف سیکریٹری اٹل ڈلو نے کل جے اینڈ کے روڈ ٹرانسپو رٹ کا رپو ریشن جے کے آر ٹی سی ور زور دتوجے واہ عوامی خدمات واسطے مختص گڈیاں غی طرفوں رونبو اکھٹا کرن غا کم غی نگرانی کی جائے۔ چیف سیکریٹری نے یاہ ہدایت محکمہ ٹرانسپو رٹ غا کم کاج غو جائزو لین غی خاطر بلائی گئی اک میٹنگ مانہہ دتی۔ درخواست دہنگان نانہہ ڈرائیونگ لائسنس مہیا کرایا جان غا سلسلہ مانہہ بڑی تعداد مانہہ بقایا پیا معاملات غو نوٹس لیتاں واں چیف سیکریٹری نے محکمہ ٹرانسپو رٹ نانہہ ہدایت کی ہے جے ان دستاویزات غی جلد دستیابی با رے طریقہ کار واضع کیو جائے۔

Chief of Indian Army

لیفٹنٹ جنرل اوپیندرا دوی ویدی نے چیف آف آرمی سٹاف غو عہدو سنبھال لیو ہے۔ وے جنرل منوج پانڈے غی جگہ لیں گا جن غا عہدہ غی معیا د اج ختم ہو گئی ہے۔ وے 26 مہیناں توڑی اس عہدہ ور فائز رہیا۔ گذشتہ 16 سال غا عرصہ غے بعد لیفٹنٹ جنرل دوی ویدی پہلا فوجی سربراہ وین گا جہیڑا اُدھم پور بیسڈ شمالی کمان غی سربراہی کر چکا ہیں۔ فروری سال 2022 تیں فروری سال 2024 توڑی اس عہدہ ور فائز رہیا۔ اُس غے بعد اُن نانہہ وائس چیف آف آرمی سٹاف غا عہدہ ور فائز کیو گیو تھو۔ اُن غا فوجی سربراہ بنایا جانا سنگ بھارتی فوج غی مشرقی کمان غو تجربو ہون غی شرط آلی روایت وی ختم ہو گئی ہے۔

اس غے نال ہی خیراں غو یوہ بلیٹن ختم ہوؤ۔